

მეცნიერება

1885-1886

მწევისი დამატებით გამოდის თვეში ხუთჯერ, ყოველი თვის ათს, ოცს და ოც-და-ათ რიცხვებში.

ზორის სასულიერო სასწავლებლიდან.

გამოცდა ემაწვილებისა, რომელთაც ქსურით შესულა ზორის სასულიერო სასწავლებელში, იქნება 27 აგვისტოს, ხოლო მეორედ გამოცდა ხსენებული სასწავლებლის მოსწავლეებისა 28 და 31 იმავე თვისას; თხოვნა სასწავლებელში მიღებაზედ და ჟვავილის ნახადობისა ანუ აცრისა სასწავლებელში შემოსვლის მსურველთა უნდა წარმოადგინონ აგვისტოს 25-მდე.

კლასიკური ენების გაკლიერების შესახებ სასულიერო სასწავლებლებში.

დიდი ხანია, რაც ერთი გაუთავებელი ქიზობა და დავა არის სწავლულთა ზორის შესახებ კლასიკური ენების სარგებლობასა და უსარგებლობაზე. ზოგიერთები ამტკიცებენ, რომ ბერძნული და ლათინური ენების შესწავლა ძლიერ ემზარება მოწაფეთა გონების გახსნაში და ამით უთვალავ სარგებლობას გამოელოან ამ ენების შესწავლისაგან. არის მეორე წრე, რომელიც სულ წინააღმდეგია ამ აზრისა. მსენი ამტკიცებენ, რომ კლასიკური ენების შესწავლას იმდენად შეუძლია გახსნას მოსწავლის გონება, რამდენადაც სხვა ყოველს საგანს, რომელიც კაცს აუღია შესასწავლებლად. ამ ერთი ორი წლის წინათ ამ აზრს ამტკიცებდა ბ. პოპოვიცი თავის გამოცემაში «Церковно общ. вѣстникъ»-ში. მართ

მეორეზე მიყოლებული მეთაური წერილებით ცხადათ და აშკარად უმტკიცებდა მკითხველ საზოგადოებას, თუ მართლა რა განსაკუთრებით გავლენა აქვს მოწაფეების გონების გახსნაზე კლასიკური ენების შესწავლას. ცხადათ და აშკარად დამტკიცა მან, რომ არასფერი განსაკუთრებით გავლენა მოწაფეების გონების გახსნაზე ძველი ენების შესწავლას არა აქვს; დამტკიცა აკრეთვე, რომ მოწაფეების გონების გახსნას იმდენად ემზარება ლათინური და ბერძნული ენების შესწავლა, რამდენადაც გონების გახსნას დაემზარება ყოველი სხვა საგნების შესწავლა. ამასთან ბ. პოპოვიცი ამტკიცებდა, რომ ჩვენ არ შეგვიძლია კლასიკური ენის შესწავლაში წავბაძოთ უცხოეთლებსო და სხვა და სხვ. ეს კითხვა დიდი ხანია აღძრულია, მაგრამ დღეჟდის არა უთქვამსთ-რა იმ პირთ, რომელთა სიტყვებს დიდი გავლენა და მნიშვნელობა აქვს და ექმნება.

პატივცემულის „Московскія вѣдомости“-ების რედაქტორმა ბ. პატკოვმა წარსულ წელში გამოსთქვა თავისი მწუხარება იმის შესახებ, რომ სასულიერო სასწავლებლებში კლასიკური ენების შესწავლა მცირდება და ამითი ღვთის მეტყველების შესწავლა და განათლება სუსტდებაო. ბ. პატკოვი თითქმის იმ აზრისა არის, რომ ძველი ენების სწავლება შემოიღონ იმ წესით, რა წესითაც ასწავლიდნენ ამ ენებს ამ საუკუნის დასაწყისში და სხვ.

ამ კითხვის პასუხად იენისის და ივლისის თვეების ჟურნალ „Странникъ“-ში ჩვენ ვკითხულობთ მთავარ-ეპისკოპოსის ნიკანორის მშვენიერ წერილს ამ სათაურით: «კლასიკური განათლება სასულიერო სასწავლებლებში».

აი რასა სწერს ყოვლად სამღვდლო ამ კითხვის შესახებ: «ჩვენ მაგიერ, ბრძანებს მთავარ-ეპისკოპოსი,



ნიკანორი, ამ საგანზედ სჯილენ და ბაასობდენ სხვანი; ეხლა ვსთქვათ ჩვენც. მე ვარ ერთი იმ მრავალთაგანი, რომელიც ვსწავლობდი 1840 წლამდე როდესაც სასულიერო სასწავლებელთა მოწაფეებს გვასწავლიდენ კლასიკურ ენებს ძველი წესით». სხვადასხვა მშვენიერ მოსაზრებათა შემდეგ მთავარ-ეპისკოპოსი ნიკანორი ბრძანებს:

„ძალიან ზევრი თქმულა საზოგადოდ და განსაკუთრებით ბევრი დაწერილა «МОСКОВСКІЯ ВѢДОМОСТИ»-ებში ძველი ენების შესახებ. ამ გაზეთს ბევრჯელ გამოუთქვამს ის აზრი, რომ ძველი ენების სწავლებას ვითომ დიდი გავლენა ჰქონდეს მოსწავლეთა გონების გახსნაზე. მაგრამ ჩემი გამოცდილებით და დაკვირვებით მე სრულებით ამის წინააღმდეგი ვარ. მე დარწმუნებული ვარ, რომ უაზროთ და გაუგებლათ რომელიმე ენის შესწავლა მთლად ახშობს მოსწავლეთა გონებას. რასაკვირველია, მე აქ არ ვებეზი იმას, თუ შემდეგში რა გამოასადევი იქნება ძველი ენების შესწავლა სწავლულთათვის შემდეგ მათ სამეცნიერო გამოკვლევაში. მაგრამ დღეს კი გვარწმუნებენ, რომ ვითომ ძველი ენების შესწავლა ამტკიცებდეს და ამლიდრებდეს გონებას. მაგრამ მართალი უნდა გითხრათ, რომ მე ეს არ მიგერძნია, თუმცა ოთხკლასიან სასწავლებელში, სემინარიაში და აკადემიაშიაც თითქმის პირველ მაგირდათ ვითვლებოდი. ამ ენების უაზროთ შესწავლა ითხოვს მეხსიერების მხრით დიდს ჯაფას და მასთან ლალავს და ახშობს კიდევ გონებას. ხსნის და ამლიდრებს გონებას ყველა საგნების სწავლება და არა ერთი მხოლოდ კლასიკური ენების შესწავლა. ხსნის გონებას შეგნებული კითხვა საღმთო წერილისა, წმიდა მამათა და ეკკლესიის მოძღვართა ნაწერებისა, ლიტურატურა და სამეცნიერო თხზულებანი, რომელ ენაზედაც უნდა სწარმოებდეს ეს კითხვა... ისეთი შესანიშნავი პირნი, როგორებიც იყვნენ: მიტროპოლიტი შილარეტი, მთავარ-ეპისკოპოსნი თეოფანე პროკოპოვიჩი, ბიორგი ძონისკი, ათანასე ასტრახანელი, დეკანოზი პავსკი დაბადა სკოლამ კი არა, არამედ თვით ამ პირთა შეგნებულმა მეცადინობამ თავიანთ განვითარებაზე. ასეთ შეგნებულს მეცადინობას თავის გონებით განვითარებაზე ჩვენ დროშიაც შეუძლია დაჰხადოს მტკიცე მკოდნენი ენებისა».

შოვლად სამღვდლო ნიკანორი ეკუთვნის იმ ღვმას, რომელმაც გაიარა ძველი ენები სასულიერო ოთხ-კლასიან სასწავლებლებში, ხოლო სემინარიაში

სწავლობდა ამ ენებს პროტასოვსკის დროის პროგრამით. ამიტომ ჩვენთვის საჭიროა მისი აზრი ზუსტებით, სამეცნიერო საგნების სწავლების საზღვრებში სასულიერო სასწავლებლებში.

„მადლობ ღმერთს, განავრძობს ყოველად სამღვდლო, რომ მან მომცა შეძლება, რათა მომესმინა ვრცელი კურსი სასოფლო მეურნეობისა და საექიმო კურსი. თუმც ეს უკანასკნელი მაგრე ვრცლად არ გამივლია, მაგრამ ძალიან საოგებლობა მომიტანა; თუმც ამ საგნების სწავლებას ეხლა აუკვებენ, მაგრამ ძალიან საჭიროა კი. სასოფლო მეურნეობას გვასწავლიდა ჩვენ პეტერბურგის სემინარიაში შესანიშნავი სწავლული, ბერლინელი ნემეცი მშალცი. მართალია, ბევრი რამ დამაინწყდა ამ კურსიდან, და ცხოვრებაშიაც არ გამომდგომია, მაგრამ მე ყოველთვის მადლობელი ვარ ამ კურსისა იმისათვის, რომ გავიგე საზოგადო კანონები მცენარეების და ცხოველების ცხოვრებაზე და აგრეთვე გავიგე, თუ როგორ წარმოსდგება მიწის ნიადაგი და სხ. მრავალი. ექიმობას გვასწავლიდა ჩვენ ი. ვ. ბობრიკოვი იმ სასაცაო სახელმძღვანელოთი, რომელიც შედგენილი იყო ხოტოვიცკისაგან. თუმც ეს მასწავლებელი ამ სახელმძღვანელოთიც ვერ სარგებლობდა კარგად და ვერც ხეირიანად გვიკითხავდა, მაგრამ მასი იმისთვისაც ძალიან მადლობელი ვარ, რომ გადმოგვცა ცოტაოდენი სწავლა ანატომიაზე, ფიზიოლოგიაზე და ტერაპიაზე. რა სასარგებლო იყო, რომ ამ ხეობად მოხსენებული საგნების შესწავლით გავიგეთ გონება? მე ვამბობ, რომ დიდი სასარგებლო იყო ეს ყველასთვის. მართის მხრით იმითი, რომ ბუნების მოვლენათა არ უყურებთ ისე, როგორც ველური კაცი და მეორეს მხრით ამ საგნების უცოდნარობისა გამო ეხლანდელს ღვთის მეტყველს ერთი ფეხის გადაბიჯებაც არ შეუძლია საწმუნოების დაცეი დროს. შოველ შემთხვევაში მას დასჭირდება ამ საგნების ცოდნა. თუ ეს საგნები ცოტათი მაინც შესწავლილი არა აქვს კაცს, ის ახლანდელი დროის მეცნიერების შესახებ მთლად ყრუა. ამისთანა პირთა ღვთის მეტყველების საგნებიც რომ ვრცლად ექნესთ შესწავლილი, მაინც გაუგებელი რჩებათ ისეთი რამეები ბუნების მოვლენათაგან, რომლებიც მათთვის, მათი მოღვაწეობის დროს გამოსადგი იქმნებიან. მე ყოველთვის ვსწუხდი არა იმაზე, რომ სემინარიაში და აკადემიაში თავი მიანებეს ლათინური და ბერძნული ენების შესახებ ლექციების კითხვას, არამედ იმაზე, რომ ჩვენ არას-

ფერი არ გავეგებოდა გეოლოგიის, ახლანდელი ანტროპოლოგიის და პსიხო-ფიზიკისა; ვსწუხდით, რომ ამ საგნების სწავლება მთლად მოსპეს ამ სასწავლებლებში“.

ჩვენი აზრით, ეს მშვენიერი წერილი, ვგონებთ, აზრების განმარტებას არ საჭიროებს.

ყვირილიდამ მარტვილადის.

ყვირილიდამ გავემგზავრეთ მუთაისისკენ 26 ივნისს რკინის გზით. რამდენ საინტერესოს, სასიამოვნოს და სამწუხაროს გაიგონებ კაცი რკინის გზაზედ მოგზაურობის დროს ვაგონებში! აქ შეხვედებით თქვენ ყოველი წოდების კაცს. ძითხვა არ დაგჭირდება, თუ რომელი მოგზაური რომელ წოდებას ეკუთვნის, — დაავიწროდით და მოისმინეთ მათი ლაპარაკი და კაცის უთხრობლადაც შეიტყობთ, თუ ვინ რა ხელობის და წოდების კაცია.

ვაგონში აგერ მიმჯღარა ორი კაცი და ერთი ერთმანერთს გაცხარებულად ელაპარაკებიან.

— „ბატონო, ვაგიგონია ეს? ძაცი გიბარებს რვა საათზე და თვითონ კი შემოდის სასამართლოში თორმეტს და პირველ საათზე. პატარა ხანი დაჯდება კამერაში, მერე გამოდის თავის საკუთარ ოთახში. ხალხს ჰკონია, თუ რამე მძიმე საქმეებს იხილავს. თურმე, ნუ იტყვი, კარგი «ზაკუსკა» მოუტანია და შეექცევა. ზადაკრავს კარგა ლაზათიანად და გამობრძანდება! რასაც მოასწრებს, საქმეს გაარჩევს და რასაც არა, მიატოვებს, და შენ მოდექი და იარე ერთსა და იმავე საქმეზედ ოთხჯერ და ხუთჯერ“.

— „თქვენი „სულია,“ კაცო, გვიან მაინც შემოდის სასამართლოში; ჩვენი კი შემოდის რვა საათის გამოთვეს და ვინც არ დაესწრება. სულ ყველას საქმეებს სპობს. ხშირად მოხდება ხოლომე, რომ მთხოვნელი გარეთ იყოს და საქმე მოესპოს. სწორედ გაჭირდა საქმე!..“

ამათ ლაპარაკს წამოესაჩილება მესამე პირი და დაუმატებს:

— «ზოგიერთი მოსამართლეები, უნდა გითხრათ «უჩინატის ნაჩინიკებს» გენატრია. აგერ წინაზე ერთი მოხელე მოვიწვიეთ ადგილობრივ სადაო ადგილის დასახედავით. სანამ საქმეს შეუდგებოდა, კარგად ვიახლათ, ასე რომ სამზღერებს რომ შემოუარა,

ორი კაცი ჰყავდა შეჯღომილი აქეთ-იქით მხრებში და ისე შემოარონინეს სადაო ადგილის სამზღერები. რა უნდა დაინახოს ამისთანა პირმა და ან როგორ შენიშნოს სამზღერები?..»

ვაგონის მეორე კუთხეში ჰკიცხვენ სასულიერო წოდებას და ექიმებს. ერთი სიტყვით მოგზაური, თუ ყველა ენა იცის, ხალხის ცხოვრებაზე თითქმის ვრცელ აზრს შეადგენს.

მუთაისილამ გავემგზავრეთ ფაიტონებით ხონისაკენ. მუთაისილამ ხონამდის გზა კარგია, მხოლოდ ბოგირები არ არის აქა-იქ გავკეთებული. ხონში დადრჩით ერთ ჩვენ კარგ მეგობართან. ღლით ადრე ფაიტონით გავემგზავრეთ მარტვილისკენ. ხონილამ შეიღ საათზედ გაველით და მარტვილში ათ საათზედ მივედით. ჯერეთ წირვა არ იყო დაწყებული. მივიხედ-მოვიხედეთ მარტვილის სობოროს ეზოში. შრიად სამწუხარო სურათს წარმოგიდგენს როგორც მარტვილის სობოროს მდგომარეობა, აგრეთვე ამ ეზოს შენობანი. მრთი შენობა სრულებით ჩამტვრეულია, მეორე გვერდზე გადახრილა, სხვა დამპალი და სახურავ წამხდარია. მრთი სიტყვით მარტვილის სობორო და მისი შენობანი იმისთანა მდგომარეობაში, როგორშიდაც დღეს არიან, არც ერთი დროის თათრების შემოსევის დროს არ იქმნებოდნენ.

წირვა დაიწყო თერთმეტის ნახევარზედ. მწირველი იყო ყოვლად სამღვდლო ბრიგორი, არქიმანდრიტნი ძირილე, ბესარიონ და სხვა სამღვდლონი. მგალობლები ორპირად იყვნენ დამდგარნი. მარჯვნივ ბ. გალობდნენ შ. შორიძის ლოტბარობით ახლად გადაღებულ ნოტებზედ არქიდიაკონი იოსებ შარაბიძე, ივლიანე წერეთელი და მ. ბალანჩიავი. მარცხნივ კლიროსზედ გალობდნენ აზნაურნი გამოჩენილნი მგალობლები ღიმიტრი შალაგანძე, ნიკო მეჩამაჩიაშვილი და ერთიც მესამე. რომლის გვარი და სახელი არ ვიცით. წირვაზედ საზოგადოება დაესწრა აუარებელი. ნოტებზედ გადაღებული გალობა საზოგადოებას ძლიერ მოეწონა და მრავალნი სხარულით აღიესენ, რომ ქართული გალობა ამის შემდეგ აღარ დაიკარგებოა.

წირვის აღსრულების დროს მიხვამოხვრა და სხვა ქცევა ყოვლად სამღვდლო გრიგორისა სწორედ მოსაწონია; მაგრამ სამწუხაროა, რომ შესაფერისი რებული არ ჰყავდა. წირვის გათავების შემდეგ ყ. დ. სამღვდლომ წარმოსთქვა მშვენიერი გრძელი სიტყვა, რომლის ტყაათ ჰქონდა აღებული სიტყვანი: „ყოველსა ქვეყანას გან-“

ხდა ხმა მათი“; ამ სიტყვაშიდ გაატარა მრავალი მშენიერი აზრი და ბოლოს მოაგონა მსმენელთა ჩვენ ძველ წინაპართა ქველ მოქმედება და უხეობა ეკლესიების შემკობისათვის და წინა დაუდვა საზოგადოებას იზრუნონ მათაც განშენებისა და შემკობისათვის მათთვის სასიკადალო მარტვილის სობოროისა.

ნაწირვებს, ნაშუადღევს ორ საათზე ყოვლად სამღვდლო ბრიგორიმ მიიპატიჟა სადილზე კრებულნი, მაზრის უმფროსი, მარშალი ბ. შალვა და სხვა წარჩინებულნი პირნი ორმოცამდინ. სადილი მშენიერი იყო. სენაკის მაზრის მარშალმა ბ. ბ. შალვამ, რომელიც სადღევრძელოებს წარმოსთქვამდა ხოლმე, აიღო ღვინით სავსე სტაქანი და წარმოსთქვა სადღევრძელო მის მაღალ ყოვლად უსამღვდლოესობის საქართველოს ექსარხოსის, არქიეპისკოპოსის პავლესი, რომელიც დიდის სიხარულით იყო მიღებულნი ყველა დამსწრე პირთაგან. შემდეგი სადღევრძელო იყო ყოვლად სამღვდლო ბრიგორისა. დალიეს აგრეთვე სადღევრძელო ყოვლად სამღვდლოთა იმეჩეთის ეპისკოპოსის შაბრიელისა და ბესარიონ ეპისკოპოსისა. სადილი გათავდა ხუთი საათის ნახევარზე და სტუმრები გამოეთხოვენ თავის გულითად საყვარელ მასპინძელს.

ამ მოგზაურობის დროს ხალხის ცხოვრებაზე დაკვირვებამ ძლიერ ცუდი შთაბეჭდილება მოახდინა ჩვენზე. გარეგანი შეხედულება ხალხის ტანსაცმელისა სულ წინააღმდეგს გიმტკიცებს, როდესაც მათთან მიდიხართ და სანღ-კარობას ხედავთ. სიღარიბეს ძლიერ გაუდგამს ფესვები ხალხში. ხალხი ნამეტნავად ცდილობს ეს სიღარიბე არ დანახოს სხვას და ის არის უხედურება, რომ ამისთანა ცდა უმეტესად სიღარიბეში აგდება მას.

ჩვენ ვერ წარმოვიდგენდით, თუ მარტვილის სობოროს ამისთანა შეუფერებელ მდგომარეობაში იქმნებოდა. თვით ეკლესიაში სასაფლავს ქვებზედ თქვენ მრავალს ადგილას ჰკითხულობთ: «ამა საფლავსა ქვეშე განისვენებს მთელი მინგრელიის მულობელი თავადი, ანუ კნენა ესა და ესა». მართლა; აქ მარხია დიდებული ღვით ლევანის-ძე ღვდიანი და სხვანი. ნუ თუ ამ პირთა არ შეეძლოთ შემკობა ამ სობოროისა რიგიანად და დატოვება იმდენი ქონებისა ამ ეკლესიის სასარგებლოდ, რომ ამ ფულით შეძლებულიყო შეკეთება ეკლესიის და სხვა შენობათა.

მართალია, ზოგიერთები დღეს იძახიან, რომ მათი შეწირული მამულებისაგან ოცი ათასი მანეთი

ექლვეა საეკლესიო ხაზინას საერო უწყებიდგანო, მაგრამ გარწმუნებთ, რომ რომელიც ამას იძახიან, მათგან არც ერთი გროში არ არის შეწირული ეკლესიის სასარგებლოდ და სხვისი შეწირულებით უნდათ თავი გამოიჩინონ.

წირვის გათავების შემდეგ ჩვენ მივედით სტაროსტასთან შესატყობლად, თუ რაიმდენი შემოვიდა სამთლის ფული ამ დღეს. სტაროსტამ განგვიცხადა, რომ ამდენი სამთლის ფული არ შემოსულა სხვა დღესასწაულ დღეებში არასოდესო. მეც ვიფიქრე, რომ ამდენი აუარებელი ხალხისაგან ბევრი ფული შემოვიდოდა მეთქი. თუმცე, ნუ იტყვი, სტაროსტის გასაკვირვებელი სამთლის შამოსული ფულის ჯამი იყო ხუთი მანეთი და ორი აბაზი!... ბოლოს გავიგეთ რომ მთელ წელაწადში სამთლის ფული შემოადის სობოროს ორმოც მანეთამდი და სხვა შეწირულებაც არა ამაზე მეტი!..



სამარხი ადგილშობის ბაშო.

ჩვენს ქვეყანაში ერთ სოფელსაც ვერ იპოვი, რომელსაც სასაფლავო ეკლესიაზე მოშორებული ჰქონდეს, სოფლებში კი არა, ქალაქ ადგილებზედაც. მეორე სიკვდილად ის მიაჩნია ქირისუფალს, თუ მისი მიცვალებული ეკლესიის გალავანში არ დაიმარხა. მხოლოდ ამ ბოლოს დროს ქალაქის მმართველობა და ადმინისტრაცია, სანიტარული კომისია და ექიმთა კრება ძალას ატანებენ ქალაქის მცხოვრებლებს, რომ მათ ქალაქს გარეთ გაიკეთონ სასაფლავი; მაგრამ ხშირად, ძლიერ ხშირად მათი მაცადინობა ამაოდ რჩება: ქირისუფალი ყოველს ღვინის ძიებასა ხმარობს, რომ მისი მიცვალებული ეკლესიის გალავანში მიაბაროს მიწას, სადაც აღრინდელი მიცვალებული ნათესავეები განისვენებენ: არ შურავს ეკლესიისადმი შესაწირს, ქრთამს, თუ გასავალი ექმნა, ვედრებას, ვისდამიცა ჯერ არს, ხან-და-ხან ძალადობასაც კი იხმარებს ხოლმე, თუ გაბედა, ოღონდ მიცვალებული ეკლესიის ღობეს შიგნით დამარხოს. ამ ყოვლად საენებელი ჩვეულების მიზეზი, რალა დიდი მსჯელობა უნდა, ცრუ მოწმუნებობა და სხვა არაფერი. ბევრსა ჰგონია, რომ თუ ერთნი ოჯახის მიცვალებული ძველიდამ ახლამდე ერთს ნაკვეთს განუ-



საქართველოს ეროვნული ბიბლიოთეკა

ყოფელს მიწას ქვეშ არ მოეტანა, საიქიოსაც ერთ-
მანეთზე მოშორებული ექმნებინაო, ამბობს უმცვა-
რი, მდაბიო ხალხი; განათლებულნიც ხან-
და-ხან თუმცაღა ცრუ მარწმუნეობისაგან თი-
თქო თავისუფალნი არიან, მაგრამ ძველს სასა-
ფლაოებს მაინც ეტანებიან იმ მოსახრებით, რომ
თითქო თვალს ესიამოვნება ერთბაშით დაინახოს ყვე-
ლა ნათესავეების ძეგლები და სახსოვრები. მე უკანა-
სკნელი ადვილი მოსაშალია, მაგრამ პირველი ისე
გაჯდომია მდაბიო ხალხს ცხოვრებაში, რომ მისი ამო-
ფხვრა მეტად ძნელდება, მათზე არც ქადაგება მოქმე-
დობს, არც ადმინისტრაციის ძალა და არც ექიმის
დარიგება. მაგალითის საძებრად შორს ნუ წავალთ,
ავიღოთ დაბა ძველი სენაკის საზოგადოება. აქ ერთი
დიდი ეკლესია სდგას სათავად-აწნაურა და სასო-
ფლო სკოლათ შორის ორ-ორ სამ-სამ ნაბიჯზე მო-
შორებით, ეგ ეკლესია წინედ სადალიანო ყოფილა,
თვით ღალიანის გამდელ ქალს აუშენებია თვისი ხარ-
ჯით; მას აკრავს მშვენიერი გალავანი, რომელიც
ცოტათი აწურგულია და მისს კალთებს გარემო წყა-
როები მოჩუხჩუხებენ, აქვე სოფლის სასამართლო და
ლუქანთა რაზმი, აქვე გამოდის ზედა სამეგრელოს შა-
რა, რომელზედაც ღღეში ორას-სამასი მგზავრი გაიფ-
ლის ხოლმე და ძვირად მოხდება, რომ მგზავრი აქ
არ ჩამოხტეს, მშვენიერ გაბორბალბულებსა და გაშ-
ლილ ცაცხეთა და ჭადართა ქვეშე ჩრდილში არ გა-
ნისვენოს და შუბლი წყაროს ცივი წყლით არ განი-
გრილოს. აი ასეთს გალავანში უნდა აქაურს სამრევ-
ლოს თვისი სახადით და უსახადოთ მიცვალებულის
დასაფლავება. უსახადოდ მიცვალებულზე კიდევ არას
იტყოდა კაცი, მაგრამ ამ წელს არც ადმინისტრა-
ციის ძალამ გასჭრა, არც მღვდლის რჩევამ, არც სას-
წავლებელთა მმართველების შეგონებამ; ყვაილით,
წითელათი და კისერთი მიცვალებულებს ზედი ზედ
მარხავდენ სასაფლაოზე. მამასახლისს აღკრძალვის
ბრძანება ჰქონდა მიცემული, მაგრამ იგი ვერას გახდა.
მოასვენეს ყვაილით მიცვალებული, მამასახლისი
უწლის შორიდან, ჭირისუფალი გალავნიდან გამოს-
ძახის: აქ ვერ მოხდება ყვაილის შიშით და მანდ რამ-
დენიც გნებავს, იმოღვნი იქაქანეთო. ამბობენ და რაე-
დენად მართალია, არ ვიცი, რომ თურმე ერთი
გლეხისას ექიმი მივიდა შესამოწმებლად, ყვაილით
ავადმყოფი არის თუ არა ოჯახშიო. ჭირისუფალს
ყვაილით მიცვალებული დაემალა და ნაცვლად კარ-
გად მყოფი დაეწინა ლოგინში; უნდოდა ყვაილის

კვლიც კი დაემალა, მერმე ექიმიც ვეღარ დაუჯერე-
თო, თუ იმ ოჯახში ყვაილი იყო. მე მიცვალებუ-
ლის პატრონმა მიტომ ჩაიღინა, ვაი თუ მკვდარი ეკ-
ლესიის გალავანს გარეუ დამამარხებინონო. ასეთმა
გარემოებამ სასწავლებლის უფროსები აიძულა, რომ
მოსწავლეები ამ საწინელი სენის გადაკვეთამდის დაე-
თხოვნათ; რომ ასეთი განკარგულება არ ბოცდინა
სასწავლებელთ მმართველობას, ცხადია მრავალი მოს-
წავლე ავად გახდებოდა და სოფლად გატანდენ ხსე-
ნებულს სენს და ამას რა შედეგი ექმნებოდა, ყვე-
ლას კარგად მოეხსენება. ამ მაგალითიდან ცხადდ
დაინახავს მკითხველი, მღვდელიც და ერიც, რომ იმ
ადგილს, სადაც მოსახლენი ეკლესიის გარემო, ახლო
სახლობენ, ან თუ ეკლესიის ახლო იმყოფება სასწავ-
ლებლები, ღუქნები ან საზოგადოების სახმარი წყარო
და ჭები, აიამ გვარი ეკლესიის გალავანში სასურ-
ველია, რომ მიცვალებულთა დასაფლავება აღიკრძა-
ლოს სამუდამოდ. ჩვენის მხრით ვურჩევთ ჩვენს სამ-
ღვდლოებს, რომ მათ განსაკუთრებითი ყურადღება
მიექციონ ამ საგანს და იმეცადინონ ქადაგებით, შე-
გონებით და მმართველობის დახმარებით მოსპონ ეგ
მავნებელი ჩვეულება. მე მგონია, რომ თვით ხალხიც
ადვილად შეიგონებს, თუ რიგიანად განუმარტებენ მათ
ამ ჩვეულების ცუდს შედეგს. სხვა რომ არა იყოს რა,
სხვა განათლებულ ხალხთა მაგალითით მაინც უნდა
ინელმძღვანელონ ამ შემთხვევაში. სხვაგან, სადაც ჩვენ
ჰკუთით, გამოცდილებით და განათლებით გვეჯობიან,
ყველგან სასაფლაო მოცილებულია მოსახლეთა შო-
რის მყოფ ეკლესიაზე, სასაფლაო ქალაქსა და სო-
ფელ გარეთ არის. იგი ისეა შემკობილი, როგორც
ბალი, მშვენიერად შემოღობილი, ყოველს სასაფლაო-
ზე ჯვარი, ანუ ძველი და სახსოვრები, სასაფლაოზე
მშვენიერი ყვაილები და ბუჩქები დარგული; თვით
მე, ქვემოთ ხელისა ამის მომწერელს, როცა მინა-
ხავს ასე მშვენიერად მოწყობილი და მორთული სა-
საფლაო, მინატრია, ნეტავი აქ დამამარხათქო. მცხოვ-
რები წელიწადში ერთჯერ საზოგადოდ მიცვალე-
ბულ ძველთა სულის საოხოდ აწირვინებენ მღვდლს,
მოიწვევენ თვით სასაფლაოზე, თითონაც გამოვლენ
ერთობით, სადილსა სჭამენ, ერთმანერთს დალოცავენ,
მიცვალებულთა შესანდობელს დაღვევენ, ღმერთს
შევეცდებიან და თითქო სულ დამტკბარნი და გულ
დამშვიდებულნი თავიანთ სახლში დაბრუნდებიან, მე
მგონი ამაზე უკეთესი წესი არც შეიძლებაოღეს. ჩვენ
რატომ უნდა გვეხებებოდეს ეს ასეთი რიგიანი და

ღეთისა და კაცისათვის სასიამოვნო წესის შემოღება, რატომ გვეძინება გონიერი და განათლებული საზოგადოებისა და ერის მიზანძევა? ამ კითხვის პასუხად უნდა ვსთქვათ აი რა: იმიტომ გვეზარება, რომ ჩვენ ჯერ გამოუტყდელნი ვართ, ჩვენი ცოცხა ვიციოთ და სხვისი კარგი მაგალითის ყურის გდება და შეგნება არ ვიციოთ. რატომ აქვთ ასეთი კარგი ჩვეულება განათლებულ საზოგადოებასა და ხალხს? იმიტომ, რომ მიცვალებულის სხეული, როცა მიწას მივბარება, იხრწნება, ლბება, მას ათას ნაირი ჭია და მძრომი სჭამს და საქმლის გამოღვევის თანავე, ისინიც ლბებიან და იხრწნებიან, დახრწნილი ნაწილები ზოგი წყალს ერთვის და, თუ იქ სადმე ახლო მახლო წყაროებია, შიგ ჩადის და, მაშასადამე ჩვენი მიცვალებულის ხორცს თითო ჩვენვე ვსჭამთ და ვსომთ ჩვენდა შეეუნიშვნელად, ზოგი ზევით მიდის და ჰაერში ვრცელდება და ჩვენ ასეთს მოწამლოულს ჰაერსა ვსუნთქავთ, ამის გამო ვინ მოსთელის, რამდენ ნაირი სენი და ავადმყოფობა ჩნდება, ეგ ჭეშმარიტებაა და თუ არ დავიჯერებთ, ლმერთმა თქვენს მტერს გააგონოს ასეთი ჯიუტობა.

ს. ყოფიანი.

თ ბ ი ლ ი ს ი დ ბ ა ნ .

ამას წინეთ ვაჩეთ „მწყემს“-ში მოვიხსენიე, რომ ჩვენი საქართველოს ყველა სოფლებში და დიდ ქალაქებშიაც მეტად გამრავლდნენ მკითხავეები და შეუბრალებლად ჰყვლეფენ უსწავლე ხალხსა თქო. ვამბობდი აგრეთვე, რომ ამ მკითხავეების წინააღმდეგ დღეს ჩვენი სამღვდლოება არაერთარ ზომებს არ ხმარობს. დღეს მე მინდა უჩვენო მკითხველს თუ უწინდელი ჩვენი სამღვდლოება რა ზომებს ხმარობდა ამ სენის წინააღმდეგ. მეთვრამეტე საუკუნეში ჩვენს სამღვდლოებას სასტიკი ყურადღება ჰქონებია მიქცეული მკითხავეებზე და დიდი ზომები უხმარია მათ წინააღმდეგ. ამის დასამტკიცებლად მკითხველებს მოუთხრობ შემდეგს: მეთვრამეტე საუკუნეში მეფის ირაკლის მეფობის დროს საქართველოს ქათალიკოსის ანტონ პირველისთვის მოუხსენებიათ თბილელ მიტროპოლიტს და სხვა მღვდელთ-მთაერებს, რომ მთელს

საქართველოში ცრუ-მორწმუნება მეტად ვრცელდებოდა, მკითხავეები ყოველს სოფელში ჩდებიან და ატყუილებენ ხალხსაო. ამასთანავე დაუმატებიათ ამ მღვდელთ-მთაერებს, რომ კახეთის და ქიზიყის ყველა სოფლები საესენი არიან მკითხავეებითო. როცა კათალიკოსს მოუხსენია ეს, მისცემა ჭოქჩანებასა და მესამე დღეს დაუნიშნავს სამღვდლოთა კრება, რომელზედაც მიუწვევია მთელი თბილისის სამღვდლოება.

ერთ დღეს, საღამოზედ სამღვდლოება შეკრებილა ანჩხატის მახლობლად, საქათალიკოსო დარბაზში და თვით ქათალიკოსს თავს-მჯდომარეობით სამღვდლოება შესდგომია სჯას, თუ რა ზომები იხმარონ საქართველოში გამრავლებულ მკითხავეების წინააღმდეგ. დიდი მსჯელობის შემდეგ სამღვდლოებას დაუდგენია, რომ ამ სენის აღმოფხვრა და მოსპობა პირ-და-პირ ჩვენი ვალიაო. მს აზრი სინარულით მიუღია მთელ სამღვდლოებას და ამ განაჩენის აღსრულების შესახებ ქალაქს შეუდგენიათ. ამ ქალაქში ქათალიკოსი სთხოვს საქართველოს ყველა ეპისკოპოსებს, რომ მათ სასტიკი ყურადღება მიჰქციონ მკითხავეებს და ეცადნენ ცრუ-მორწმუნებათა მოსპობას ხალხში. ქათალიკოსისავან მიწერილ ქალაქს ეპისკოპოსებისადმი ბრძანებითი კალო ჰქონება და ბოლოზე ქათალიკოსის ბეჭედი სმია. ამის შემდეგ კრება დაშლილა და საქალკეობა დაბრუნებულა თავიანთ სახლებში. მს კრება ყოფილა 1788 წელში. კრების გათავეების შემდეგ საქართველოს ქათალიკოსის სამმართველოსავან საქაროდ გაუგზავნიათ ყველა ეპისკოპოსებისათვის მიწერილობანი ამ კრების განაჩენის სისრულეში მოყვანის შესახებ. ეპისკოპოსებისათვის მიუწერიათ, რომ ისინი მათდამი რწმუნებული სამღვდლოებათ წინა აღუდგენ მკითხავეებს, აეწერათ მკითხავეების გვარები და სახელები და მერე ყოველივე ცნობები ქათალიკოსისთვის უნდა წარმოედგინათ. ქათალიკოსის ამგვარი ერთი მიწერილობა დაბეჭდილთა ბ. დ. შურცულაძისავან გამოცემულს რუსულს გუჯრებში (კამოცემა 1882 წ.) ეს მიწერილობა მიმართულია ნეკრესის ეპისკოპოსისადმი და სასტიკი განკარგულებით არის შედგენილი. ამ მიწერილობით მღვდელ-მთაერს ავალეებენ, რომ მან უეჭველად შეატყოს მკითხავეების ეინობა, ადგილი, სადაც ისინი ბინადრობენ და მათი სარწმუნოება. დასჯა ამ მკითხავეისა შექდეგ უნდა მომხდარიყო საქათალიკოსო გამგებათა თანხმობით.

ქათალიკოსის მიწერილობაში დღე მექია არა



მოხსენებული მკითხავების წინააღმდეგ და დიდი შეჩვენება ეცხადებათ მათ ქათალიკოზისაგან. ამისთანა მიწერილობა, რასაკვირველია, დიდ შთაბეჭდილებას და გავლენას მოახდენდა მაშინდელ მორწმუნე ხალხზე.

ნეკრესის ეპისკოპოსს მისელია ოუ არა ეს მიწერილობა, ის მაშინვე შესდგომია საქმეს, მალე შეუკრებია ცნობები მკითხავებზე და გამოუგზავნია ქათალიკოზისათვის. მღვდელ-მთავარი სწერს საქათალიკოსო გამგეობას შემდეგს: მოწერილობის მიღებისთანავე შეუდექი საქმეს და ნამდვილად დავრწმუნდი, რომ ჩემს სამწყსოში მკითხავეები არ არიან და, თუ შემდეგში აღმოჩნდნენ, მე თვითონ მივაქცევ მათ ყურადღებას და მევე დასესჯი მათ. სხვა მღვდელთ-მთავრების მიწერილობანი ქათალიკოსისადმი არა სჩანან ჩვენს ძველს მწერილობაში.

შველა ამ ნათქვამისაგან სჩანს, თუ რა გულს მოღვინებით სდევნიდა ჩვენი სამღვდლოება წინა დროებში მკითხავეებს და ამით რა დიდ შემწეობას და დახმარებას უჩენდა ხალხს. ამისთანა მოღვაწეობისათვის ჩვენი უწინდელი სამღვდლოება დიდი მადლობის ღირსი იყო. ამისათვის სანატრელია, რომ ჩვენი თანამედროვე სამღვდლოება მიბაძვდეს ძველ სამღვდლოებას და ერთგულად მოჰკიდებდეს ამ კეთილ საქმეს ხელს. ამით ჩვენი სამღვდლოება დაიფარავს ჩვენ უსწავლელ ხალხს მატყუარა მკითხავებისაგან, რომელნიც ატყუებენ უმეცარ ხალხს და უმოწყალოდ ჰყველფავენ მას.

თბილელი.

წმინდი რედაქტორთან.

ბ. რედაქტორო! უმოჩინოვად გთხოვთ ამ ჩემს მკირე შენიშვნას ადგილი მისცეთ თქვენს პატივცემულს გაზეთ «მწყემს»-ში.

«მწყემსი»-ს მე-11 №-ში მე წავიკითხე მკირე შენიშვნა შესახებ სოფელ მიხაილოვისა (НИЗОВАЯ ПРИСТАНЬ). მტყობა, რომ უ. კორრესპონდენტს საფუძვლიანად არა სცოდნია ზემოხსენებული სოფლის საქმე და თავგარდასავალი. უ. კორრესპონდენტი სწერს: „ამ ოცდა-ორი წლის წინეთ გადმოსულან

და დასახლებულან აქაო. ამ მართლ-მადიდებელ გლეხებს 1885 წლამდე არც ეკლესია ჰქონიათ და არც საკუთარი მღვდელი ჰყოლიათ, რის გამოა ზოგიერთს მათგანს სარწმუნოება შერყევიათ; ამიტომ დიდი ჯათა და შრომა დასჭირდებოდა იმ მოძღვარს, რომელსაც ამ გლეხებს დაუნიშნავენდნენ მღვდლათა. აქ დაუნიშნულ იქმნა ერთი ახალ-გაზდა მღვდელი იოანე დავიდოვი.“ თქვენ ბ. კორრესპონდენტო ასე ამბობთ და მე დაწერილებით მოგითხრობთ ამ საქმეს: მოხსენებულ 1884 წელს ზემო სოფლის გლეხები მოიქცნენ ექსარხოსთან თხოვნით, რომ იმათთვის მიეცათ საკუთარი მღვდელი; ამ თხოვნის გამო 1875 წელს, 4 მაისს მე ვიქმენ ხელ-დასხმულ იმ სოფლის მღვდლად. პურთხევის შემდეგ გავსწიე ჩემს სამრევლოში; ჰეშმარტად, სამრევლოში ბევრი პირნი ვნახე სარწმუნოებაზე შერყეული; აგრეთვე ამ ხალხში მეტად გავრცელებული იყო მთვრალობა, რის გამო ხალხი ყოველ დღე დუქანში ატარებდა დროს. ამ საგანზე, თვით ქ. ბაქოს გუბერნატორმა უ. სტაროველსკიმ და მაზრის უფროსმა პირველ ნახვაზე მთხოვეს, რომ ყურადღება მიმექცია ამ ხალხისათვის და მომეშლიეინებია მათთვის მთვრალობა, რომელიც უმთავრესი მიზეზი იყო მათი სიღარიბისა.

რასაკვირველია, მე პირველად ყურადღება მივაქციე ეკლესიას და მის მოწყობილებას. ეკლესია ძალიან ღარიბათ იყო. მე მაშინათვე მივიქცე თხოვნით ზუსარის პოლკის მღვდლის სკიცკის და პოლკის კომანდირისადმი, რათა მათ ეჩუქებინათ ჩემთვის ეკლესიის ზოგიერთი ნივთები. ამ პირებმა ჩემი თხოვნა შესარულეს და მომცეს საეკლესიო წიგნები, ხატები, სამი ხელი შესამოსი, სახარება, ეცხლის ჯვარი და ეცხლის საცეცხლოური და ბევრი სხვა საჭირო ნივთები. ამ გვარად მოვრთე შვენიერად პატარა სამლოცველო. შემდეგ ყურადღება მივაქციე ხალხის ცუდ ჩვეულებათა მოსპობას.

რასაკვირველია, პირველად ამ ცუდ ჩვეულებათა მოსპობა დიდად სამძიმო იყო ჩემთვის, მაგრამ ღეთის შემწეობით და ჩემის მეცადინეობით ხალხს შეეაგნებოე, თუ რა ვნება წარმოსდგება სიმთვრალისაგან. ხალხი ჩემ სწავლა მოძღვრებას ყურადღებით ისმენდა და შესამჩნევად მიატოვა სიმთვრალე და მოჰკიდა ხელი საქმეს და მიწის მუშაობას. ორი წლის განმავლობაში ჩემდამო რწმუნებულ სამრევლოში შესამჩნევი ცვლილება მოვახდინე. ხალხი ერთგულად დაია-



საქართველოს
საზოგადოებრივი

მს იყო ჩემთვის პირველი ჯილდო და სიხარული, რადგანაც სამწყსომ აღასრულა ჩემი თხოვნა და მიიღო ჩემი დარიგება. ამ შემთხვევით ვისარგებლე მე და სამწყსოს ვთხოვე 100 მან., 100 მანათიც მე მქონდა სანთლის ფული; ამ ოცი თუმნით გამოვიწერე ბლალოჩინის თანახმობით ორი ხელი მღვდლის შესამოსი, ერთი ხელი სადღესასწაულო და მეორე — სამგლოვიარო, რომელნიც ეხლაც უნდა იყოს იმ ახალს ეკკლესიაში.

ამის შემდეგ მე და ჩემი სამწყსო მშვიდობიანად ესტოვრებდით მესამე წლამდის, შემდეგ ჩვენდა საუბედუროდ ასტყდა ჩხუბი ოსმალთა და რუსებს შუა; ამ შემთხვევამ გამოიწვია მთელი დაღესტანის ლეკების აღშფოთება და 1877 წელს, ოქტომბრის 4-ს დაგვეცენ ლეკები და მეზობელი თათრები თავს. მე ჩემის სახლობით და სამწყსოთი ღვთის შემწეობით თავი დავიხსენით და გავიქეციეთ ქ. შუბანში, რომელიც 25 ვერსის მოშორებით არის ამ სოფელზე. ჩემმა პრიჩეტნიკმა, სოფრონ სამადოვმა ის ორი წყვილი ახალი შესამოსი გამოიტაცა სამლოცველოდამ და ზურგით მოარბენა შუბანში; ლეკებმა და თათრებმა ეკკლესია ყველა თავის ნივთებით და მთელი სოფელი აიკლეს და დასწვეს; ისე გადაფუტკრეს აქაურობა, რომ კაცი ვერ იფიქრებდა, თუ აქ როდისმე სოფელი იყო. სამი წლის განმავლობაში რაც შავიძინე და ან თბილისიდან რაც ნივთები მქონდა მოტანილი, სულ წმინდად წაიღეს, მხოლოდ ერთ კაბაში და ანაფორაში შეერჩი. ჩემი სამწყსოდამ ოთხი კაცი და ორი ქალი მოჰკლეს და დანარჩენნი ყუბაში იყვნენ. საცოდავთ სულზე მათ დღეში ეძლეოდათ ხელმწიფისაგან საზრდოთ ორი შაური, მაგრამ მე ჩემის სახლობით და დიხოკით სრულებით უსაზრდოთ და უჯამაგიროთ მთელი ერთი წელიწადი დავრჩით. ამ როგორი იყო ამ სოფლის თავ-გადასაყალი. აქედამ კარგადა სჩანს, თუ რომელ მღვდელს დასგომია ამ სამრევლოში დიდი ჯაფა და მწუხარება. შ. კორრესპონდენტი კი ბრძანებს, რომ 1885 წლამდე მღვდელი არა ჰყოლია ამ ხალხს. მხლა მკითხველი გაიგებს ამ სოფელში იყო მღვდელი, თუ არა? აქვე დავსძენ, რომ ბ. ღვიდოვამც დიდი ღვაწლი და შრომა მოახმარა ზემოთ აღნიშნულ სამწყსოს. მან ამ სამწყსოში აავგო მშენებელი ეკკლესია. აგრეთვე იმედი გვაქვს, რომ მამა ღვიდოვი შესარულებს ზემო ნიქოზის ეკკლესიის შეკეთების საქმესაც.

ქ ორღუბადის მღ. გიორგი ჩაღაძე.

ახალი აგებუი და შენიშვნები.

2 ამ ივლისის თთვეს გამოცხადდა უმაღლესი ახალი დებულება იმპერატორის სახლოვნების გეაროვნობაზე. მს დიდი შესანიშნავი კანონმდებლობითი ოქმი არის. საფუძვლად ამა ახალდებულობისათვის მიღებული იყო დადგენილობა, გამოცხადებული იმპერატორის პავლეს მიერ ჩღუზ წელში, ტ-ხტის მემკვიდრეობის და იმპერატორის გეაროვნობის წევრთა უფლებების და თანამდებობის შესახებ.

ახალი წესდებულება სხვათა შორის ფრიალ შესანიშნავია იმპერატორის სახლოველობის წევრთა ხარჯის და სარჩოს შემოკლებით სახლომწიფო ხაზინიდან. იმპერატორის დაღეს აქვს დანიშნული ორასათასი მანეთი წინანდელი ექვსასი ათასი მანეთის მაგიერ. ხელმწიფის შვილები თვითთული იღებენ ოცდაცამეტი ათას მანეთს წინანდელი ასი ათასი მანეთის მაგიერ. ხარჯი მემკვიდრისა, მისი სასახლის ხარჯს გარდა, დანიშნულია ასი ათასი მანეთი სამასი ათასი მანეთისა წილ, რომელიც წინეთ იყო დანიშნული. მემკვიდრის ცოლს აქვს დანიშნული ორმოცდაათი ათასი მანეთი წინანდელი ას-ორმოცდაათი ათასი მანეთისა. მზითვად დიდთა მთავრინათა, შვილის შვილის შვილთა არის დანიშნული ასი ათასი მანეთი ნაცვლად სამასი ათასი მანეთისა, რომელნიც წინეთ იყო დანიშნული. გარდა მემკვიდრისა იმპერატორის შვილებს თვითთულს აქვს დანიშნული ას ორმოცდაათი ათასი მანეთი წინანდელის ხუთასი ათასი მანეთისა და ქალის თხოვის შემდეგ ორასი ათასი მანეთი. ამ სახით არის შემოკლებული სხვა საიმპერატორო სასახლის წევრთა ხარჯიც.

.

უწმიდესმა სინოდმა დაადგინა, რომ ყველა ეკკლესიებში დაარსონ კრუშკები შეწირულების შესაკრებლად სამრევლო სკოლების სასარგებლოდ და ერთ დღესასწაულ დღეში ჩამოატარონ კრუშკა და შეკრიბონ შეწირულება. ამ სახით შეკრებილი ფულები უნდა წარდგინდეს ეპარქიის სამასწავლებლო რჩევაში ამ სკოლების საჭიროების სახარჯოდ.

.

ორს ივლისს დიდის ამბით გაუხსნიათ რკინის გზის სტანცია ქ. მეგრში. რკინის გზა იწყება კასპიის



ზღვის აღმოსავლეთის მხრიდან და მიდის ქ. მერვამ-
ლის ხუთას ოცდა-ხუთ ვერსტზე.

* * *

ზამოჩენილის პასტერის მოგონილი საშუალებ-
ებით, აცრიოთ, რუსეთშიც დაიწყეს ცოფიანების აქიომობა.

* * *

მთელს რუსეთის იმპერიაში ეხლა დიდი ყურად-
ღება არის მიქცეული საეკლესიო გალობაზე. მრობა
მიუცილებლად თხოულობს, რომ სახალხო სკოლე-
ბის მასწავლებელთა იცოდნენ საეკლესიო გალობა და
ასწავლიდნენ სკოლებში მოსწავლეთა და ეკლესიაშიც
აგალობებდნენ ყმაწვილებს. ჩვენში კი, სამწუხაროდ, ამ
საგანს სრულებით ყურადღებას არ აქცევენ და ზო-
გიერთი სოფლის სკოლების მასწავლებელნი კლიროს-
ზე დადგომას კიდევ თართიშობენ.

* * *

დიდი ხანია, რაც უწმიდესი სინოდისაგან არის
დანიშნული კომისია ეკლესიების შესავალ-გასავლის
საქმის წესიერად წაყვანისათვის. მხლა ხმებია, რომ კომი-
სიის ნამეტანი წევრები დათანხმებულან იმაზე, რომ
თვითეულ ეკლესიის სამრევლოში დაარსდეს რჩევა,
რომელიც შესდგება მღვდლისა და ყველა წოდების
თითო აღრჩეულ პირთაგან. ამომრჩევე უნდა მის-
ცეს ანგარიში სტაროსტამ.

* * *

უწმიდესმა სინოდმა ვალად დაუდგინა ეპარქიის
მღვდელთ-მთავრებს, რომ კერძო საჩივრები, რომე-
ლიც მირთმეული იქნებიან სინოდის სახელზე კონ-
სისტორიების და სასულიერო სამმართველოების გან-
ჩინებაზე და დადგენილობაზე, მიღებულ იქმნენ
მღვდელთ-მთავართაგან და მათის პასუხით წარდგინე-
ბოდნენ სინოდში.

* * *

უწმიდესმა სინოდმა რუსული ენის გაკვეთილე-
ბის მიცემის შესახებ დაადგინა, რომ ათი გაკვეთილი
რუსული ენის უნდა მისცეს სასულიერო სასწავლებ-
ლის პირველ კლასში ერთმა მასწავლებელმა და ცხრა
გაკვეთილი დანარჩენ სამ კლასში მეორე მასწავლე-
ბელთა. ძლიერ კარგი იქმნება, რომ თითოეულ მასწავ-
ლებელს შტატით დაწესებულ გაკვეთილებზე მეტი არ
ეძლეოდეთ. ამბობენ, რომ საქმედგელოებას მეტი
ხარჯი არ მიუღას, როდესაც ერთი მასწავლებელი აძ-
ლევს 18 და 20 გაკვეთილსაო. ჩვენის აზრით ბევ-
რად სჯობს სამღვდელოებას მრავალ ხარჯთან ცოტა
ხარჯიც მოემატოს და შეიღებეს კარგა ჰქონდეს რუ-
სული ენა შესწავლილი, რომელიც ასე კოჭლობს
ჩვენ სასწავლებლებში საზოგადოდ. გვეგონა, რომ
რუსთ მასწავლებლების ხელში წინ წაიწედა რუსუ-

ლი ენის ცოდნა, მაგრამ ჯერ-ჯერობით ცი არაფერი
შესამჩნევი ნაყოფი სჩანს, როგორც ეს გვესმის სემი-
ნარიის მასწავლებელთაგან.

* * *

ზუგდიდის მაზრის სოფლის ზორახის სამრევლო
სკოლის მასწავლებლის ბ. პეირკველიასაგან ჩვენ მი-
ვიღეთ შემდეგი წერილი.

„შემორჩილესად გთხოვთ ადგილი მისცეთ ამ
მცირე შენიშვნას თქვენს პატივ ცემულ გაზეთ „მწყემს“-
ში. აქ ჩემდამო რწმუნებულს სკოლის სასარგებ-
ლოდ ამავე სკოლის საპატია მზრუნველის თ. ნეს-
ტორ ჩიჩუას თაოსნობითა, გაიმართა წარმოდგენა
29 ივნისს ამა მდგომარე წლისას. თუმცა ბევრმა
მიიღეს მხურვალე გულით მონაწილეობა ამ კეთილ
საქმეში, მაგრამ აქაც აღმოჩნდნენ ისეთივე მამულის
და სამშობლოს შეილები, რომ წინააღმდეგ ამისა
აერცვლებდნენ სხვა-და-სხვა უსაფუძვლო ხმებს ხალხ-
ში და მით სურდათ ხელი შეემაღათ მზრუნველი-
სათვის, მაგრამ ყოველ შემთხვევაში ამ წარმოდგენი-
საგან ხარჯების გარდა მე მაინც გარდმომიცა თექვს-
მეტი მანეთი სასარგებლოდ სკოლისა. ღიღს მად-
ლობას უტყვადებთ ყველა იმ პატივ-ცემულ პირთა
რომელთაც მიიღეს ამ კეთილ საქმეში მონაწილეო-
ბა და თანა უგრძობენს ახალ მოზარდ ყმაწვილე-
ბის წარმატების. საქმეს.

სწავლა და მეცნიერება ქრისტიანობრივ სწავლა
და გეთილ-ზნეობაზედ.

ს ი ტ ე ვ ა

პ ი რ ჯ ვ რ ი ს წ ე რ ი ს ა თ ვ ი ს. *)

სახელითა მამისათა და ძისათა
და სულისა წმიდისათა.

(რუსულიდან ნათარგმნი).

შოველი კეთილი და სასარგებლო საქმე დაიწ-
ბა ღვთის კურთხევითა. ამისათვის ჩვენც, მწყემსნი
ეკლესიისანი, გამოვალთ რა ქადაგებად, უწინარეს
ყოველისა გამოვითხოვთ შემწეობასა წმიდისა სამე-

*) შენიშვნა. წინადადება იმერეთის ეპარქიის სამღვდე-
ლოებას, რომ ეს სიტყვა ყოველ ეკლესიაში წააკითხვიონ
განიცადენის მაგიერად ორჯელ, ან სამჯელ ყოველ წლიობით,
როდესაც მრავალი მლოცველები შეიკრიბებიან; წაიკითხოს ვინ-
მე კითხვის კარგად მცოდნემ, ხმა მაღლად, განრკვევით, აზრი-
ანად..

ეპისკოპოსი გაბრიელ.

ბისასა, ანუ სამებით ღიდებულისა ერთისა ლმრთისა, და ამასთანავე გარეშემოვზლუდავთ თავთა თვისთა ძალითა პატიოსანისა და ცხოველ-ყოფელისა ჯვარისათა, წარმოვთქვამთ რა სიტყვათა პირველ დასაწყისისა ლოცვისა ესრედ: სახელითა (ესე იგი პატივად და ღიდებად) მამისათა და ძისათა და სულისა წმიდისათა.

რისთვის გამოვიხსნავთ პირზე ჯვარს ყოველთვის საზოგადო, ანუ კერძო ლოცვაში, საიდუმლოთა აღსრულების დროს და სხვათა ყოველთა სამღვდელთა მოქმედებათა შინა? შექველია მისთვის, რათა მოვიზიდოთ შემწეობა, მადლი და წყალობა ყოველად უწმიდესისა სამებისა, იესოს მაცხოვრის ჯვარცმისა ძალით. ჩვენ არ გვაქვს იმედი საკუთარ ჩვენ ლოცვასა ზედა, ამისათვის დავსდებთ ლეთისა და ჩვენ შორის ჯვარსა, ანუ ჯვარის სახესა, ვითარცა კეთილსა სამელობასა, ანუ კავშირსა, დარწმუნებულნი, რომ უფალი მოგვივლინებს მადლსა მისსა, ჯვრის ძალით, იმა უძლეველის და მიუწთომელის ლეთებრივის ჯვარის სახის ძალით. მაგრამ ამასთან უნდა შევნიშნათ, რომ დასახება პირზე პატიოსნისა და ცხოველ-ყოფელისა ჯვარისა მხოლოდ მაშინ მოიზიდავს მადლსა ყოველად წმიდა სამებისასა, როდესაც იგი აღსრულებდა კრძალვით და სისწორით, წესდებულებსამებრ წმ. ეკლესიისა, გარდამოცემულისა წმ. მოციქულთა და წმ. მამათაგან.

აბა როგორ ჯერ არს გამოხატვად ჯვარისა სახე ლოცვათა შინა ჩვენისა ლეთისა მიმართ, ისე რომ მართლა ეს სახე მიიზიდვიდეს ჩვენდა შემწეობასა, წყალობასა და მადლსა წმიდისა და მთელის სამებისა? ახსნა ამ კითხვისა მიუცილებელი და კეთილსასარგებლოა: პირველად ყრმათათვის, რომელნი მონდობილ არიან ჩვენდა აღზრდად მართლ-მადიდებელი ეკლესიის მიმართულებასა შინა; მეორედ ყოველი მართლ-მადიდებელი ქრისტიანისათვის, რომელსა სურს ყოველნი წესნი და მსახურებანი მართლ-მადიდებელთ ეკლესიისა დაიცვას სათანადო სისწორით, გარეშე ყოველისა დაუდევნელობისა, აღსასრულებლად სიტყვით წინასწარმეტყველის იერემიასა: წყუულ იყავნ ყოველი მოქმედი საქმასა უფლისა უღებებით. (48, 10).

მიწყით ყრმათაგან.

იმ ხნიდგან, როდესაც ყრმანი შეძლებენ განჩინებას მარჯვენა და მარცხენა ხელითა, სისწორით გამოხატვა მათგან ჯვარის სახისა, ჩვენ მართლ-მადიდებელთა

ბელთა აზრით შეადგენს უმთავრესსა ზრუნვასა მათთა მშობელთა, აღმზრდელთა და მოძღვართა, თუ ისინი კი მართლ-მადიდებელნი არიან. სახარების და მართლ-მადიდებელი ეკლესიის სწავლით, ყოველი კეთილი საქმე და ყოველი დრო, როგორც ზემოთ ვსთქვით, უნდა იწყებოდეს ერთგული ლოცვით, გარეშე რომლისა წარმატება არასფერში არაოდეს არავისთვის არ შეიძლება. ხოლო ვინაიდან, სწავლისამებრ და გარდმოცემისა და მაგალითის ძლევისა, სამოციქულო ეკლესიისა, ხმარება პირ-ჯვარის წერისა განუყოფელია ლოცვისაგან, ამისათვის ახსნა იმის მნიშვნელობისა, და სისწორით ხმარებისა, არის ღიდი საგანი გარეგანისა ლეთის მსახურებისა. მაგრამ მახლობელი კავშირისა გამო შორის სულისა და ხორცისა, იგი მიუცილებელია შინაგანისა ლეთის პატივისცემისათვის; ამაზე მეტს ვიტყვი: მართლა გარეგნითა ჯვარის გამოხატვითა შეეცობა ქრისტიანს, როგორია მისი შინაგანი ლეთის მსახურება, და საზოგადოდ შინაგანი სულიერი მიმართულება. ვინაიდან სიტყვისამებრ მაცხოვრისა ყოველი ხე იცნობების ნაყოფისაგან (მათ. 7, 17), ხოლო კაცი საქმეთაგან მისთა. მს აზრით თითქმის ყოველთვის მართალია. საზოგადოდ შეიძლება კანონად მივიღოთ, რომ იგი მართლ-მადიდებელი, რომელიც არ გამოიხსნავს ჯვარს ჯეროვნად, ეკლესიის კანონისამებრ, ან დაფანტულია, ანუ უღებია, ანუ უმცარი სჯულისა, ანუ კიდეს განდგომილი.

ნუ ფიქრობთ, რომ ჩვენ ამით ნამეტანი ვსთქვით! შეამოწმეთ ეს სიტყვა საქმით, ბეჯითი შემეცრებთ და თქვენც დარწმუნდებით. ამ სიტყვაში ნათლად და აღვილად პირმოუთენელი გამოკვლევა ამ ქვემარტებისა დაგვარწმუნებს, რომ მართლ-მადიდებელი სარწმუნოებაში არასფერი არ არის მცირე და არა ღირსი შენიშვნისა, რომ მცირედი რაიმე განდევნილება მისგან — მოიყვანს სხვათა უმძიმესთა უღებებათა და შეცუთობათა. პირველივე შეხედულებისაგან მიღებული აღბეჭდულებას თვით სოფლიურ საქმეშიც აქვს ღიდი მნიშვნელობა. ხან-დის-ხან ერთი პირველი შეხედვით, ერთი მოძრაობისაგან ჩვენ შევითქვამთ უწინდელს და მომავალს ცხოვრებას კაცისას, მისის მიმართულებით და მოქმედებითურთ და ძვირად შევცუთებით ამაში. სულსა შინა ყოველისა კაცისასა არსებობს რომელიმე გაუგებარი ძალა, რომელიც ვითარცა დანართი უპირველესთა ნიქთა, ხშირად გვემსახურება ნაცვლად მრავალთა გამოცდილებათა და გამოკვლევათა ასე, რომ პირველივე შეხედულებით სწორედ



ვიცნობთ თვისებასა კაცისასა. მსგავსად ამისა პირველი კაცი ადამი ერთი წამის შეხედვითა შეატყობდა და გარჩევდა თვისებათა, მიღრეკილებათა პირუტყვეთა და სახელს უწოდებდა მათ. ამასვე გვასწავლის მეცნიერება ფილოსოფიისა ანუ ფსიხოლოგია.

არაფერი არ გვაბრკოლებს ამ სახითვე ვიფიქროთ პირველივე შეხედვითა პირველის წერასა ქრისტიანე კაცისასა, მისი გარეგანი და მერმე შინაგანი ლეთის მახატურებასა ზედა. დასაწყის ყოველ საქმეში დიდი მნიშვნელობა აქვს და პიჯერის წერიდგან დაიწყება გამოჩინება სარწმუნოებისა. დაფიქრდით ამაზე მართლმადიდებელნი! მსთქვათ ეს წერილი და მცირე საქმეა, გარა იცოდეთ, ყოველიფერი საქმე დაიწყება მცირედიდგან, და მერმე ცოტ-ცოტად გადიდდება. — ჩვენც ყველანი პატარანი ვიყავით, მინემ დიდნი გავიზარდენით. თით უმაღლესი ხე მცირე თესლისაგან იზრდება. მამასადამე დიდ-დიდნი ცოდვანიც როგორც დიდნი — სათნოებანიცა გავრცელდებიან მცირე დასაწყისიდან. ასე იფიქრეთ პიჯერის წერაზედაც!

მინც არ იცის მნიშვნელობა პიჯერის წერისა და ვერც კანონიერად ასრულებს პიჯერის წერას, მათ ჩვენ აუხსნით ხელმძღვანელობითა წმ. ეკკლესიისათა, და აუხსნით საკუთრად ყრმათათვის, თუმცა, ვგონებთ, არცა დიდროვანებთათვის იქნება უსარგებლო. ზანა ამათ უკანასკნელთა შორის, არ არიან რეგენნი, სარწმუნოებითა, ესე იგი სრულიად უმეცარნი სარწმუნოებისა? ზოგიერთი სოფლიურად ძლიერ სწავლულია, თითქმის ვარსკლავებს მიწვთება სწავლით, მაგრამ აბა ჰკითხეთ მას პირველნი დასასყისნი ქრისტიანული სჯულისა, რომელიც კარგათ იციან ზოგიერთ მცირე წლოვანთ ბავშვთა, კარგ ოჯახში გაზდილთა! პირ-და-პირ ვამტკიცებთ, რომ მეტადრე აქ, ჩვენ ქვეყანაში, უმრავლესი სოფლის მცხოვრებთაგანი ისე დაბედლებიან, რომ არც კი იციან სისწორით პიჯერის გამოსახვა, ზოგი აქეთ-იქით აქნევს ხელს, უაზროთ, უსახოთ, ზოგი ნახევარ ჯვარსაც არ გააკეთებს, ზოგი მესამედს. პიჯერის გამოსახვა საიდგან ეკოდინებათ, რომ მშობელთა იმითთა არ იცოდენ და არ ასწავლეს მათ. ძარგის და სასარგებლოს რაიმეს სწავლა არაოდეს არ იქნებიან გვიან. ჩვენი მოვალეობა არის ავხსნათ პიჯერის წერის მნიშვნელობა, რომელს ასხენ ყურნი სმენად ისინონ!

საეკკლესიო წიგნებში — ჟამში და აგრეთვე ძველ დაფითნებში, თავიდან არის ნაჩვენები წმიდათა მოციქულთა და მამათა გადმოცემა, თუ როგორ ჯერ

არს ყოელის მართლ-მადიდებელისა კაცისა პიჯერის გამოხატვად გულზე.

პიჯერის დაწერისათვის სამი პირველნი თითნი მარჯვენისა ხელისა უნდა შეაერთო, სწორად მოსასწავებელათ წმ. განუყოფელისა, ერთარისისა და შეურევენელისა სამების თანასწორობისა, ისე უნდა შეაერთო თითნი, რომ თანასწორნი იყვნენ ერთი მეორესთან. ამ სახით რომ შევაერთებთ თითებთა, ამით ჩვენ ცხადათ გამოვსთქვამთ წმ. სამების სარწმუნოებას, რომლისა სახელით კიდევ მოვინათლენით თანახმად მართლ-მადიდებელი ეკკლესიის სწავლისა. მორი გრძელი თითები, რომელნიც არიან მოღუნულნი დიდ თითზე, ანუ ცერზე, შენიშენენ სამების მეორე პირსა ლეთისასა მის ქვეყანაზე მოსლვას, დამდაბლებას, განხორციელებას. ამ სახით შეერთებული თითებით გამოისახება ჯვარი, როდესაც დავიდებთ შუბლზე, მარჯვენა და მარცხენა მხრებზე და გულზე, აუჩქარებლად, მოწიწებით, დაფიქრებით.

ბი ამას ნიშნავს და ასე უნდა პიჯერის გამოხატვა! მაგრამ რას ვხედავთ ახლა ჩვენ ქრისტიანეთა შორის? სამწუხაროდ, ვხედავთ, რომ ერთის მხრით ერთ წოდებულნი განათლებულნი პირნი თითქმის უკადრისობენ ჯეროვნად პიჯერის წერას, თუმცა მათ იციან და შეუძლიათ სისწორით დაიწერონ პირ-ჯვარი, მაგრამ დაუდევნელობით, შეურაცხობით, ცრუ დამლუბველი სირცხვილით არ იწერენ პირ-ჯვარს კეთილად, არამედ თითქო ათამაშებენ თითებს და არა პირ-ჯვარს იწერენ: მეორეს მხრით უსწავლელნიცა, დაბალნი ერისთავანნი ზოგი უმეცრებით, ზოგი დაუდევნელობით არ იწერენ ჯეროვნად პიჯერს, არამედ ისინიცა თითქო ათამაშებენ თითებს, ასე რომა სახე ჯერისა არ გამოდის სრულიად მათი ხელის მოძრაობაში, არამედ, როგორც ზემოთ ვსთქვით, რალაცა ხელის ქნევა იქით-აქეთ, ურიგო, უწესო წინააღმდეგი სჯულისა, ჩვეულებისა ეკკლესიისა, ჭკუისა. მარტო უმეცრებას არ უნდა მივაწეროთ ამისთანა სამწუხარო მოვლენა. მკონებ მრავალი არ მოიპოვება იმისთანა პირი, თუმცა კი მოიპოვება რაოდენიმე, რომელსაც არ შეეძლოს კანონიერად თითების გაკეთება და კარგათ ჯვარის დასახვა გულზე და პირზე; მაგრამ ეს არის დაუდევნელობა ჩვენი უზრუნველობა, სატირალი სისუსტე, გულ-გრეილობა საღმრთო საქმეში, ღმერთის პატივისცემაში. სხვა რალა უნდა ვსთქვათ, ერის კაცსა როგორ უნდა ვაყვედროთ, რომ თვით მღვდელთა შორის და ბე-

რთაცა ურევინან ისეთნი, რომ უჯეროდ და უღებებით იწერენ პირჯვარს, სრულ და კარგ ჯვარს არ გამოსახვენ გულზე. მაგრამ მსაჯული მათი ღმერთია და არა ჩვენ ცოდვილინი! არცა დავიწყებისაგან ანუ დაფანტულობისაგან გონებისა აიხსნება ეს მოვლენა— ცუდათ პიჯვარის წერა. დავიწყება, დაფანტვა გონებისა ერთ წამს მოუვა კაცს, მაგრამ როგორ შეიძლება მთელის წირვის განმავლობასა შინა დაფანტული იყოს კაცი. შერ წარმოვიდგენთ, როგორ მოხდება ესა, რომ სახლსა შინა ღვთისასა შესული ღოცვად ჯვარცმულისა მიმართ და მთელი წირვის განმავლობასა შინა არ გაიხსოვოს რა სახე აქვს ჯვარს, და რისთვის უნდა გამოისახოს ჯვარი, რომელიც არის ბაირალი სარწმუნოებისა, საჭურველი ცხოვნებისა? არა! მართი მხოლოდ ჩვენი უბედური დაუღვენელობა, გულგრილობა თვით საყდარში მდგომარეობასა შინა არის მიზეზი იმის, რომ ჩვენ ასე ვაფუჭებთ პიჯვარის წერასა!

ზოგიერთნი დაუღვენრად იწერენ პირჯვარს მისთვის, რომ მათ პირჯვარის წერა მცირე რამედ მიაჩნიათ; ისინი ფიქრობენ, რომ დიდი არაფერია ჯვარის გამოსახვა პირზე; იგი ვარეგანი მცირე ჩვეულება არისო! ამაზედ ზემოთაც ვსთქვით ჩვენ, და ახლაც გავიმეორებთ. ცუდი და საშიშოა ამისთანა ჰაზრი და ფიქრი. ცბიერობით ამბობენ ისინი ამას. შთუოთ გული გაუცივდა, სასოება დაუშვირდა, ან სრულიად მოაკლდა, იმისთვის ფიქრობენ ასე. ძარგად დაფიქრდენ, რომ უარეს ცოდვაში არ ჩაეარდენ.

ბოლოს გლოცავ თქვენ ყოველთა, ვისაც კი სარწმუნოება გაქვსთ, ვინც ღვთის ერთგულნი ხართ, ვისაც წმ. მართლ-მადიდებელი ეკლესია, თქვენ სულიერ დედად მიგაჩნიათ, სისწორით, გულის ხმიერად, ერთგულად გამოისახვიდეთ პირჯვარს გულ-პირზე — ამინ.

რედაქციის პასუხი.

3. შ—ს. თქვენ იწერებთ, რომ ერთმა სწავლულმა მღვდელმა თავის სახლში აკურთხა გვირგვინიო. ეს არ გვჯერა. თუ მართალია, დაგვისახელეთ ის მღვდელიც და თქვენ საიღამ და ვინ ბრძანდებით, ისიც შეგვატყობინეთ.

ახალციხეს. კ. მ—ს. თრანგების მღვდლებს თავისი უმფროსები ჰყავსთ და იმათ მიაცემოხ ყურადღება თავიანთ მღვდლებს. თქვენგან მოუვანილი ასოების ხმარების შესახებ ბევრი დაწერილა და ამიტომ არ იბეჭდება თქვენი შენიშვნა.

ს. კლდეეთს. მ. ა. ა—ს. თქვენი წერილი ჩვენ დაამოუკიდებელის მიზეზისა გამო არ იბეჭდება.

ქუთ—ს. დეგ. რ. გ—ს. პირველი თქვენი საუბარი არ დაიბეჭდება. მიზეზს წერილით შეიტყობთ. მეორე საუბარი კი დაიბეჭდება მომავალ ნომერში.

იოსებ შენგლაძეს. თქვენი წერილი შესახებ მღ. კ. ჯ—ს შვილის მოქმედებისა არ იბეჭდება. ვერ გიცნობთ და ამისთვის თქვენ წერილს ვერ ვერწმუნებთ.

ერმ. კ — ს, თქვენს ნათქვამს ფაქტებით ვერ ამტკიცებთ და ამიტომ არ იბეჭდება თქვენი წერილი ვილაცა ბ—ის კ—ის შესახებ.

ს. სკანდას. მღ. სპ. ჯულ—ს. კითხვა მუნჯთა და ყრუთა ზიარებისა და აღსარების თქმის შესახებ განმარტებულია (მწყემსი)—ს მე კ. 20-ში. სხვა თქვენი კითხვები სწორეთ ახირებული კითხვებია. იწერებით განმარტეთ ჩემი კითხვა: „წინეთ ნედავდა კაცი და ბოლოს დაბრმავდა; ამისთანა ბრმების ზიარება შეიძლება, თუ არა, ან როგორ განვჯანოვოთ?“ ამ კითხვის განმარტებას, ვგონებთ არავინ არ საჭიროებს. თქვენ, თუ არ იცით, მეზობელ მღვდელს ჰკითხეთ და ის ავიხსნის!.. იწერებით: „ჩემს მრევლში, ვსთქვათ, ყველანი ერთი მეორის მომდურავნი არიან და ხმას არ სცემენ ერთმანეთსა, როგორ უნდა მოვიტყვი ამ შემთხვევაში?“ იმისთანა მღვდელი, რომლის მრევლი სულ ერთი ერთმანეთს გადამტერებულნი არიან, უნდა დათხოვნილი იქმნეს უტაბტ გარეთად, და მის მაგიერ უნდა დაინიშნოს რიგიანი მწყემსში, მცოდნე უბრალო კითხვებისა. უბრალოს შესახებ გირჩევთ გულდასმით კონდაკი გარდიკობოთ და პასუხს იქ წაიკითხავთ

შინაარსი: კლასიკური ენების გაძლიერების შესახებ სასულიერო სასწავლებლებში. — ევრილიდამ მარტივადმდის. — სამარხი ადგილების გამო. — წერილი რედაქტორთან. — სახალი ამბები და შენიშვნები. — სიტყვა. — რედაქციის პასუხი.